

Inatsisartut suleriaasianni § 37 imm. 1 najoqqutaralugu Naalakkersuisunut imaattumik apeqquteqarpunga:

Apeqqut:

- 1) Meeqqanik paarsisartut atugassaqtitaanerat qanoq isumannaatsumik ingerlasussanngorlugu aqqissuunneqartarpa?
 - a. Aningaasarsiat paarsinersiutit qanoq annertutigaat?
 - b. Angajoqqaarsianut meeqqanik paarsaqarnermi meeqqat amerlassusiat malillugu qanoq paarsinersiutit akilerneqartussat annertussusilerneqartarpaat?
- 2) Meeqqanut paarineqartunut nerisassarsiutit tunniunneqartartut qanoq annertutigaat?
 - a. Qanoq ullormut annertussuseqarpat?
 - b. Qanoq sapaatip akunneranut tunniunneqartartut annertussuseqarpat?
- 3) Meeqqanut paarineqartunut angajoqqaarsiat aqqutigalugit tunniunneqartartut qanoq annertutigisumik aningaasartaqartarpat?
 - a. Atisassarsiutissat qaammannut qanoq annertussuseqarpat?
 - b. Nerisassarsiutissat qaammammut qanoq annertussuseqarpat?

(Inatsisartuni ilaasortaq Hans Enoksen, Naleraq)

Tungavilersuut:

Meeqqanik paarsaqartut isumannaatsumik inuuniarnikkut atugaat, paarineqartut atugarissaarnissaat qanoq isumannaarneqartarpa? Ilaatigummi inuuniarnikkut inuussutissallu akitsoriartuinnartut eqqarsaatigalugit angajoqqaarsiat meeqqanut isumannaatsumik paarsinertik ingerlatissappassuk aningaasarsiat nerisassarsiutissat atisassarsiutissallu naleqquttumik atugassaqtitsinnikkut aqqittariaqarsorinarmata.

Apeqqutimma ullut suliffiusut qulit iluanni akineqarnissaat kissaatigaara